

20
DISSERTATIO MEDICA
INAUGURALIS

DE

PLEURITIDE,

QUAM

DIVINA FAVENTE CLEMENTIA, CONSENSU
ET AUTHORITY GRATIOSISSIMÆ
FACULTATIS MEDICÆ,

IN ANTIQUISSIMA ELECTORALI ACADEMIA
HEIDELBERGENSI

PRO

GRADU DOCTORALI

PLACIDÆ ERUDITORUM DISQUISITIONI
SUBMITTIT

SALOMON EMANUEL
WALLICH,

CONFLUENTINUS EX REGIONE TREVIRENSI
NATIONE JUDÆUS

Die 20. Mensis Martii MDCCXXXVII.

HEIDELBERGÆ,

Ex Typographejo Academico, per Joan. Jacobum Hæner.

ALCOHOLIC BEVERAGES

THE UNIVERSITY OF CHICAGO PRESS
530 N. Dearborn St., Chicago, Ill. 60610
U.S.A. and Canada: 1-800-842-6796
Outside N. America: 001-773-936-5000

UNIVERSITY OF CHICAGO

240107Z JAN 68

1914

ILLUSTRISSIMIS

ET

GÉNÉROSISSIMIS

S. R. I.

COMITIBUS DE LEYEN
DOMINIS DOMINIS

PATRI

CAROLO CASPARO

In Hohen-Geroldsegg, Adendorff,
Saffig, Ahrenfeldt, Nieveren, Leiningen,
Bongard &c.

Sacrae Caesaræ ac Regiæ Catholicæ Majestatis

CONSILIARIO INTIMO ACTUALI.


FILIO

FRIDERICO FERDINANDO

In Blies-Castel, Burweiler, Münchweiler,
Otterbach, Forbach &c.

Dominis, Dominis suis Gratosissimis.

ILLUSTRISSIMI
ET
GENEROSISSIMI DOMINI,
DOMINI GRATIOSISSIMI.



Cupiditate dedicandi Dissertationiunculam de Pleuritide seu inflammatione membranæ Pleuræ, Gratosissimis Vestris Nominibus, inflammatus sum à Vestra multis abhînc annis collata, in demortuum non solùm avum, sed & superstitem adhuc Patrem, imò noviter

ter in me ipsum ineffabili gratia. Verebar siquidem majorem me puncturam ignominiam, quam puncturam dolorem Pleuritide infectum, si concessissem, tantæ gratiæ, ut expungatur gloria. Sed vix feram punctum, credendo, gratia indignis gratiosissimè exhibita, Gloriosissimæ Genti Vestræ, incrementum gloriæ esse accessurum; quæ enim gloria ab infirmi subsellii & abjectæ sortis hominibus? Absit inflammatio hæc à præcordiis meis, quamvis & à victis, & libertate privatis gloria (ut ajunt) aliquandò reportetur. Si qua igitur ex hoc negotio Vestris Gratosissimis Nominibus Gloria, ex sola Vestra Gratia proficietur. Primam summum Numen, quod opto, ita augeat; hanc
Vos

*Vos , quod rogo , ita augete , ut nec
meum exiguum nomen debitoris ex-
pungatur. Dignemini itaque porro
gratiosissimè respicere*

ILLUSTRISSIMORUM ET GENEROSISSI-
MORUM, GRATIOSISSIMORUMQUE
NOMINUM VESTRORUM

Clientem subditissimum

Salomonem Emanuelem Wallich.



PROOEMIUM.



Um diù multùmque, quòdnam mor-
 bi genus placidæ disquisitioni, inau-
 guralique defensionì submittam,
 mecum animo pervolverem, tan-
 dem de Pleuritide, tanquam febre
 inflammatoria, hanc Dissertationem conscriben-
 dam operæ pretium duxi, eò quòd hæc & aliæ
 febres inflammatoriæ tales sint affectus, qui non
 modò valdè frequenter occurrunt, sed dubii,
 difficilisque exitûs, brevîs simul ac periculosi cir-
 cuitus sunt, ita ut Medicus Practicus jure meri-
 to horum affectuum certam, solidam, & perfe-
 ctam notitiam omni, quo potest, nisu inquire-
 re, sibique imprimere necessariò debeat, & hac

cognitione conciliatâ , ejusmodi mala , tutò & incundè demùm curare , profligaréque valeat, idcirco cùm ex febrium inflammatoriarum censu Peuritidem esse decretum sit, hanc brevi & rudi stylo explanare constitui ; interim non placet Pathologiam hujus affectus multis deductionibus amplificare, sed id tantummodò ad scopum meum præsupponere intendo , ut quilibet artis salutaris amator sciat, tum quæ præcipuè in hoc morbo respicienda, tum qualia eidem convenientia applicanda & propinanda sint remedia. Quarè consuetudini duntaxat Academiae morem gerens, ventilationis ergo rem totam, ad veritatis enucleationem ipsamque incolumitatem mortalium , quantum possibile, pro viribus paucis expediam; tribuat Deus Optimus Maximus, ut susceptus hic labor vergat in Nominis Sui Gloriam , in proximi verò cedat salutem.

THESIS I.

Pleuritidem hac Dissertatione examinaturus, definitio, quòd illa sit membranæ pleuræ inflammatio, lateris hujus vel illius dolore punctorio, à sanguine acriori viscido circa pleuram stagnante producta: Conjungitur febris continua cum respirationis difficultate, aliáque, quæ cum sint satis nota, hìc ingenti verborum apparatu ulteriùs describere superfluum judico.

THESIS II.

Dispescitur communiter Pleuritis in veram, & spuriam. vera manifestatur ex definitione, & symptomatibus allatis, & inferiùs, ubi specialiter de signis agetur, plura Pleuritidem veram declarantia adducentur.

THESIS III.

Spuria dicitur, in qua quidem dolor punctorius, sed levis admodum febricula, & tussis vix notabilis conjungitur, & symptomata non coincidunt, cum symptomatibus in Pleuritide vera occurrentibus. & sunt plerumque mitiora. Est secundùm nonnullos affectus arthriticus, arthritico-rheumaticus, qui in exterioribus thoracis partibus sedem suam figit, afficit patientem, unum tamen præ altero, sed dispari ratione, quam vera Pleuritis hoc cum arthritide in genere commune habet, quòd communiter incipiat ab horripilatione; non nullis affectus

hic scapulos affligit, nonnullis pectus, post horripilationem æstus supervenit, pungit affectus, & punctiones cum anhelosa respiratione coincidunt, quæ tamen in pleuritide vera ferè semper, tam in respiratione, quàm extra eandem sentiuntur. Est hic affectus minimè negligendus, præsertim in texturæ tenuioris subjectis: in tali casu similiter remediis infra de curatione allegandis insistendum; & hæc de Pleuritide spuria dicta sufficiant.

THESIS IV.

NEve etiam Pleuritis cum peripneumonia confundatur. Illud notandum venit, quòd facilius & communius occurrat pleuropneumonia, quàm sola pleuritis; habet hæc distinctio fundamentum & veritatem, secundò habet locum in Prognosi & Praxi: Notandum 2dò, quòd in pleuropneumonia communiter concurret, & superveniat sputi colorati ejectio, quæ in pleuritide sola non semper observatur, nisi quòd materia peccans extra vias regulares poneretur, & natura hoc modo materiæ evacuationem per ductus insolitos nobisque incognitos motu planè extraordinario intendat, quod tamen rarissimè contingit. 3tio in praxi magna intercedit differentia, quòd ex peripneumonia non ità facilè suboriatur empyema, quàm ex vera pleuritide. 4to inflammatio contingens in pleura efficacius potest discuti, quia nimirum propius possunt attingere remedia topica, cum efficacia illorum ad pulmones non æquè penetrare valeat. In his itaque passionibus & affectibus ritè discrepandis, meo ritè ut fun-

gar munere, subjectum, causas & signa pleuritidis jam anectō.

THESIS V.

Primaria hujus affectus sedes dicitur membrana pleura, dein musculi intercostales, quibûs affectûs & irritatûs ipsum cor, vasorum sanguiferorum, item & subtilissimæ nervorum ramificationes, reliquæque partes adiacentes in consensum trahuntur; quòd verò pleura præcæteris partibus primariò afficiatur, patet ex ejusdem signo pathognomonico, scilicet acuto lateris dolore, cui accedunt respiratio difficilis, præcordiorum anxietas, aliæque symptomata supra recensita.

THESIS VI.

Causa proxima pleuritidis est, in membrana pleura, à coacervato sanguine producta stagnatio; hæc rursus, uti reliquæ, causas sua procataréticas & remotas respicit, sanguinem nimirum nimia in copia existentem, & viscidum, tenacem pleno impetu in vascula membranæ pleuræ irruentem, exitum non invenientem, hincque vasa enormiter distendentem. Respicit 2dò, vel hæmorrhagarum aliàs fluentium, suppressionem & cessationem per notabile tempus, undè ordinariò & communissimè, magis adolescentibus & juvenibus copiam humorum in suis corporibus foventibus evenire solet. Respicit 3tiò partium exæstuantium subitaneam constrictionem, à superveniente repentino frigore exortam; nam sanguis à calore nimium

nimiùm attenuatus, & in motum abreptus, per arterias ad omnes corporis partes copiosius propellitur, qui, quousque ei liber per vasa conceditur transitus, nihil molestiæ infert, simul atque verò per improvisum frigus, aërem scilicet vel potum frigidum corpus refrigeratur, humores intenuissimis pleuræ venulis incrassantur, incrassati stagnant, venæ constringuntur, pori occluduntur, se - & excretiones sufflaminantur, quo fit, ut sanguis per dicta vasa libere transire nequeat, unde etiam junioris ætatis personis, post insignes & anhelosas corporis agitationes, tempore frigidioris, potu vel halitu frigido, copiosè adducto, hoc malum evenire solet. Respicit 4tò contusiones, casus ab alto, vulnera aliásque violentias externas, quas recensere superfluum judico.

THESIS VII.

Diagnosin quod attinet, patet illa ex signo pathognomonico, in fine Thesis 2dæ adducto, scilicet ex punctorio lateris dolore, febre continua, & pulsu duro, qui in hoc affectu, utpote morbo partium membranarum, individuus comes existit.

THESIS VIII.

Prognosis: periculosus valdè est hic morbus, tum propter respirationem læsam, qua æger carere omninò nequit, tum propter gravia symptomata huic morbo familiaria, & empyematis metum; si enim non discussio, sed suppuratio evadit, nascitur inde in thoracis cavitatem effusio,

effusio, nempe empyema, quod malum periculi plenissimum, adeò, ut pauci Medicorum assecurare possint, quod talis affectus optatum suum effectum unquam sortitus fuerit. Porro suppuratione superveniente, degenerat hic affectus (nisi in principio huic morbo requisitis necessariis occurratur) frequenter in gangrænam & sphacelum lethalem, vel ad minimum subnascitur ulcus difficillimæ vel nullius ferè curationis, vel transit demùm in febrim hecticam, patientem miserè interficientem, & ut plurimum immedicabilem, ità ut Medicus hinc nihil certi promittere, ne dicam, quid solidi sperare possit, nisi insignis adhuc juvenus, & robur virium concurrat, in quibus tamen casibus (sed reverà rarissimè) speranda est consolidatio, & hinc si dolor ille pungitivus lateris ad aliqualem sensum decrescit, aliqualis tunc affulget spes curationis, si verò increscit, res summi periculi est.

THESIS IX.

Generalis tractatio, pro primario scopo, discussionem exposcit, si quidem in præcedentibus de Prognosi dictum est, quòd pessimo eventu inflammatio pleuræ ad suppurationem perveniat, eò quòd in periculosissimum, ob empyematis metum, statum & mortem terminetur; ubi adhuc notandum venit, quòd, si suppuratio oriretur, Medicus extremâ curâ & industriâ, ab imtempestivo consolidantium usu sibi cavere debeat. Sunt, qui sanguinis consistentiam spissam tenacem ab aciditate deducunt, hincque huic morbo absorbentia opponunt, sed reverà sola sic nudaque absorbentia totam curam non absolvunt, & effectus

effectus ipsorum levis est; contra verò absorbentia solubilibus, incidentibus permixta, efficaciz longè majoris deprehenduntur.

THESIS X.

Vulgi remedia sunt sanguis hirci, fuligo fumi, quorum colliquativa, incisiva, & resolutiva virtus pariter innotescit, cum his medicamentis regimen moderatè diaphoreticum continuum servandum, & si sudor subsequatur, ille non intendi, sed moderatè & successivè continuari oportet.

THESIS XI.

Nequè etiam sub hoc ipso casu, & sub tali regimine negandus est potus, isque temperatus, respondens requisitis necessariis, dein partim ante exacerbationem, partim sub exacerbatione, utendum talibus vulgo dictis temperantibus, solventibus, incidentibus terreo - salinis V. g. matr. perlar. Conch. ppr. ocul. ☉. ☿. ziat. mandib. luc. pisc. ras. dent. apr. ☿ antipleurit. &c.

THESIS XII.

Communissimè & optato cum effectū exhiberi quoque solent emulsionēs, non quidem valdè crassæ, alimentosæ, nutrientes ex amygd. dulc. additis sem. Card. Mar. 4. frig. mai. &c. ex vis Ætis ∇ scabios. C.B. tusilag. &c. Ergò medicamentis tam in - quàm externis eò potissi-

potissimum tendendum est, ut discussio maturè, quantum possibile, fiat; nam suppuratio ex prædictis præsentissimè periculosa est.

THESIS XIII.

Calida motum nimis augentia hîc pariter exulent, etenim si commotio ab inflammatione jam magna subsit, patientemque graviter affligat, potius in Medico est, ut has commotiones temperet, & moderetur, quàm ut augeat.

THESIS XIV.

Regimen calidum immoderatum, modum excedens, nullius quoque est usus, conveniunt interim diluentia, resolventia, inter quæ Φ , & acida principem locum obtinent, respectus tamen, in iis exhibendis, subiectorum æquè ac materiæ morbificæ haberi debet. Alvum in hoc affectu suppressam esse non expedit; sunt & quidam, qui in pleuritide anodyna, papaveracea, aliâque dolores sedantia, ut opiata pro specifico ventilant, sed reverà id ipsum experientia non confirmat, anodyna quidem sopiendo, & animales obnubilando dolores punctorios ad tempus tollunt, tamen morbus in totum non evanescit, sed potius præstantissimum in hoc morbo expectorationis negotium impediendo, exacerbatur.

THESIS. XV.

CAvendum igitur est, ne dolor omnis, materiâ nondum discussâ, auferatur; hoc enim si fieret, ab intercepto Spirituum animalium influxu, & sanguinis impulsu, inflammatio & corruptio magis invalescunt, & patiens in pessimum morbi statum conicitur.

THESIS. XVI.

PRæ cæteris propterea circumspectè tractandus est hic morbus, & patiens monendus, ne actualibus refrigerationibus leni transpirationi obicem ponat, siquidem magis ad successivas & lenes exhalationes promovendas insistendum, & in hoc casu usus alexipharmacorum non quidem magnis, sed repetitis dosibus tanto magis in usum trahendus venit.

THESIS XVII.

TAndem & V. S. (licet Medici Practici in hac decidenda in varias abeant sententias) hic negligenda non est. Barbette in tabulis chyrurgicis inquit : *largiter instituenda est V. S. cum nullus mihi notus est morbus, qui liberaliorem illam ferat, cum commodo agrotantis, & si dolor non remittat, spatio 24. horarum 2da, 3tia, 4tave vice V. S. reiterari debet &c.* item Diemerbrock in suis observationibus ait : *Curatio à generoso & primario remedio, V. S. incipienda est, qua V. S. ne si non levetur ager, eadem post horam unam vel alteram, & deinceps, si necesse sit, 3tio repe-*

repetenda est, habita verò ratione virium. sine dubio hæc intelligenda de statu sanguinis plethorico; utrùm verò in quolibet subiecto hæc toties repetita V. S. instituenda sit, Doctioribus diiudicandum relinquo, ego potiùs Practicis V. S. nem in omni subiecto tardè, & cum circumspecta attentione instituentibus subscribo; nam ita judico: quando morbus manifestò periculosus est, V. S. nem tunc tot reiteratis vicibus instituere ex conscientia non debet Medicus, quia sanitas, quæ finis Medici est, toties repetita V. S. ne, potiùs evertitur, quàm impetratur, quod probant numerosa exempla eorum, qui sic ractati vitam morte commutârunt, & si celeberrimi Ettmulleri in scriptis suis dicentis (*suppurationem larga V. S. ne promoveri*) assertum ulteriùs per experientiam probari potest, omnes tunc ego Medicos, non ut simplici; sed largæ, bis, ter, vel quater instituendæ V. S. ni supersederent, dehortarer, non quòd V. S. sit, nullius valoris, sed sæpiùs repetita in usum trahenda non sit addo, si statim ab initio tardè Vena secatur, major spes erit reconvalescentiæ, modò methodus legitima jungatur, nimirum diaphoretica, diapnoica, ubi verò largiter instituitur, materiâ nondùm subactâ, & ad abstersionem præparata, suppuratio necessariò sequitur, quod sic probo. sanguine imminuto natura insufficiens redditur ad abstersionem & discussionem, præsertim si concurrat methodus hodierna per refrigerantia &c. Nam utiquè hic summè considerabilis est status sanguinis talium ægrotum, qui ad spissitudinem ac stasim maximè proclivis est, itaque tanto magis sufficientem copiam hæc stasis requirit, qua commodè abstergi possit; depauperatus enim sanguis

sufficienti absterfioni non satisfacit, unde evenit, quòd natura circa dies criticos, ubi maximus impulsus & transpulſus celebrari deberet, fatiscat. Quarè V. S. cautè in debita ac juſta proportionè instituenda, non verò toties repetenda eſt, ne natura circa dies criticos, ubi finem morbo imponere occupata eſt, medio neceſſario deſtituatur.

THEſIS XVIII.

Licet hìc annectere caſum, quem, anno abhinc præterito, menſe februario expertus ſum. Erat hac in urbe octodecim annorum juvenis, vera pleuritide laborans, ut manifeſtè patebit. vocatus perveni ad ægrum, per quatuor dies lecto jam affixum: aderant ſymptomata graviffima, ſcilicet ſumma reſpirationis difficultas, dolores lateris punctorii acerbiffimi, pulſus valdè celer, tuſſis vehementiffima, conatus ad expectorationem, expectorare tamen nequaquam potuit: decumbebat ità miſer, ut ſummis præcordiorum anxietatibus affectus, vix ac ne vix quidem unicum verbum diſtinctè eloqui potuerit. Adſtabant multi, ſinguli unanimiter V. S. nem ſuadentes. Verùm ego tanquam naturæ miniſter, conſiliis illorum deperditis non inhærens, eam non conceſſi, ſed, quoniam dies quartus tanquam indicatorius, & ad criſin inclinans eſſet, timui, ne natura in ſuis actionibus impediatur, & per hanc V. S. nem ipſa criſis retardetur. Tutioſiorem itaque viam ingreſſurus, morbum tollere conatus ſum per remedia alexipharmaca, reſolventia, qualia ſunt ∇ Scabios. Card. Mar. Tuſſilag. Syr. Capill. ♀. violar. ♂ antipleurit. mand. luc. piſc. ♂ diaph. ⊕ Cryſtall. camphor. gr. iij. ſpecies

species pectorales pro potu theæ ex Hb. Veron. tussilag. heder. terrest. &c. ad meliorem expectorationem o amygd. dulc. rec. express. syr. violar. papav. rh. sperm. cet. Externè verò ad latus inungendum, ungt. pectoral. anod. o Chamomill. lini exhibui. Debilitatibus postmodum subinde adhuc supervenientibus, remediis cordialibus & analepticiis succurri, qui æger, assistente Divina Gratia, intra tempus trium septimanarum, pristinam sanitatem recuperavit.

THESIS XIX.

HUic denique methodo medendi ulteriùs subiungenda est ipsa regiminis ratio, wie sich der patient bey dieser Krankheit verhalten soll / quæ profectò plus quàm dimidium curæ absolvit; Medicus enim omni suâ operâ vix dimidium affert, reliquum simul & patienti incumbit, ità, ut v. g. si natura diebùs criticis rectè procedat, ad evacuationes, & per lenes sudores, materiam morbificam excutere conatur, patiens vero impatiens est, & immorigerus sudoribus vacare detrectat, iectigatione refrigerescit, ibi certè à sensu refrigerationis, spasmodica cutis contractio infertur, & sudor planè reprimitur. Itaque hoc regimen tam ab ipso patiente, quàm ab ipso naturæ ministro, quem scire oportet, quo tempore illud præscribendum, quòve tempore sudor expectandus, promovendus, continuandus sit, ne peccetur in excessu aut defectu, sedulò attendendum est. Quantitate enim materia morbi, unòque impetu minimè eliminatur, sed fit hoc successivè, quapropter vires intempestivis sanguinis commotionibus ad

sudores , poris cutis adhuc perclusis , ne defraudentur & æquilibrium inter actionem & reactionem (utpotè quo sublato morbus nec per crisin , nec per metastasin perfectè solvitur) tollatur , circum spectata Medici requiritur opera.

THESIS XX.

Regimen diæteticum , quod ex debita convenientique lex rerum non naturalium administratione constat , licet Paracelsus nullum in Pleuritide observandum esse existimet , hujus tamen necessitatem ab aliis in Arte Medica meritissimis viris & Clinicis Celebratissimis omnimodè commendatam habeo , & cum iisdem aërem semper temperatè calidum præ frigido , victum tenuem præsertim ab initio , juscula hordacea , avenacea , potissimam hinc explere paginam , uti nimis calida , acerba , salia , è censu salutarium confestim exulanda duco. Potus sit cerevisia tenuis , vel decoct. hord. cum passul. & liquirit. rad. bardan. rasur. C. C. &c. Vinum verò , quod Hippoc. L. d. morb. c. 40. & 41. connivet , λευκὸν ἢ ὀλίγον tutius sepono. Alvus ne sit laxa , cùm fluxus alvi in Pleuritide sint perniciosi , juxta illud Hippoc : *alvi laxitas , cutis densitas*. Somnus & vigiliæ moderatæ sint , vehementiora animi pathemata per fidem in Deum temperent ægroti.

Et hæc de hoc affectu dicta sufficiant , ubi salus

Proximi unicus hinc præfixus mihi est finis.

SOLI DEO GLORIA